



門中武
第 123
卷 6

岡氏
杏庭

岡氏
杏庭

聖濟總錄纂要 卷之



新安

程 林雲來 纂

徐偉芳英尚

方願仁田友

較

江 湘郢上 閱

虛勞門

肝勞

心勞

脾勞

肺勞

腎勞

虛勞統論

論曰虛勞之病因五臟則為五勞因七情則為七傷勞傷

虛勞

之甚身體疲極則爲六極所謂七傷者一曰大飽傷脾胃
傷則善噫欲臥面黃二曰大怒氣逆傷肝肝傷則少血目
暗三曰強立舉動久坐濕地傷腎腎傷則少精腰脚痛厥
逆下冷四曰形寒飲冷傷肺肺傷則氣少咳嗽鼻鳴五曰
憂愁思慮傷心心傷則苦驚喜忘善怒六曰風雨寒暑傷
形形傷則髮落肌膚枯槁七曰大恐懼不節傷志志傷則
恍惚不樂此七者勞傷之因也故名七傷所謂五勞者一
曰肺勞令人短氣面腫鼻不聞香臭二曰肝勞令人面目
乾黑口苦目視不明三曰心勞令人忽忽喜忘大便苦難

時或澹洩口中生瘡四曰脾勞令人舌本苦直不能嚥唾
五曰腎勞令人背難以俛仰小便黃赤時有餘瀝陰痛生
瘡小腹滿急此五者勞氣在五臟也故名五勞所謂六極
者一曰氣極令人內虛五臟不足邪氣多正氣少不欲言
二曰血極令人無顏色眉髮墮落忽忽喜忘三曰筋極令
人數轉筋十指甲皆痛苦倦不能久立四曰骨極令人瘦
削齒苦痛手足煩疼不可以立不欲行動五曰肌極令人
羸瘦無潤澤飲食不生肌膚六曰精極令人少氣吸吸然
內虛五臟氣不足毛髮落悲傷喜忘此六者勞傷之甚身

體瘦極也故名六極又五勞七傷六極之外變症不一治法皆以補養為宜形不足者溫之以氣精不足者補之以味氣味相得合而服之以補精益氣此其要也

肝勞

論曰患怒氣逆上而不下則傷肝肝勞則面目乾黑口苦精神不守恐畏不能獨臥甚則筋急而爪枯目盲無所見毛悴色夭者難治

芍藥飲 肝勞不足補虛

白芍 丹皮 枳實 荆芥穗 二分 熟地

青箱子 黃芪 炙甘草 白茯苓 白附子

山枝 防風 兩半 細辛 五錢 竹葉水煎

前胡湯 肝勞虛熱目赤難開煩悶熱氣上冲瀉肝除熱

前胡 山枝 大青 細辛 秦芫

乾姜 决明子 片苓 一兩 車前子 一合 石羔 一兩

竹葉 三兩 水煎欲利加芒硝

茯苓湯 肝勞熱恐畏不安精神悶怒不能獨臥氣錯越

白茯苓 人參 防風 炙甘草 遠志

牡蠣 栝子仁 五錢 龍骨 二分 蜜九梧子

大酒下二十九

青龍丸 治肝傷健忘目視不明而目青白常多恐懼

龍骨 羌活 秦芫一兩 茯神 羚羊

甘菊 青箱子 白附子 丹砂三兩 蜜丸梧子

大人參湯下三十九

心勞

論曰心勞病者補脾氣以益之脾旺則感于心人逆夏氣則手太陽不長心氣內洞頰之則生逆之則死順之則治逆之則亂反順為逆是謂內格病不生矣其候令人善怒

不樂大便鴨澹口瘡久不差耳枯而鳴不能聽遠皮毛焦

色天者死于冬

遠志湯 心勞多煩躁背膊妨悶面色時變乍赤乍黑或

笑或歌

遠志 白芍 犀角一兩 人參 知母五錢

赤茯 麥冬兩半 片苓 前胡 水煎五錢頃時

又服

磁石湯 心勞熱耳焦多鳴不能聽遠

磁石 人參 白朮 赤茯 白芍

大青

菖蒲 兩半

赤石脂 一兩

竹葉水煎

補心麥冬丸 心勞多驚悸心氣不足

麥冬

天冬

熟地

川連

遠志

升麻

兩半

菖蒲

人參

白茯苓

一兩

桂

五錢

蜜丸湯下開心氣多記不怠

獼肝丸 心勞熱胸膈聚痰頭目微痛肌膚漸覺消瘦

獼肝

川連

柴胡

鼈甲

地骨

升麻

天靈蓋

貝母

兩半

天冬

知母

犀角

茯神

紫苑

胡黃連

前胡

杏仁

百合

麻仁

炙甘草

生地

檳榔 三兩

蜜丸飲下日二

朱雀湯 心氣勞傷

雄雀

十枚

人參

棗肉

赤茯苓

紫石英

小麥

一兩

赤小豆

一合

炙甘草

一分

丹參

遠志

紫苑

五錢

水煎

脾勞

論曰飲食勞倦則傷脾脾傷則善噫欲卧面黃舌本苦直不得嚙唾皆脾勞也宜補益肺氣則感于脾矣

七香散 脾勞腹脹憂思不樂大便滑泄不思食肌肉瘦

人參 白朮 白茯苓 白芍 陳皮

桔梗 紫苑 藁香子 白芷 一兩 蒼朮 五兩

乾姜 二兩 柴胡 兩半 共末用豬腎切一對入鹽一錢

末三錢紙包煨飲下

羊腎丸 脾勞臟腑滑泄夜多盜汗腹虛鳴困倦少力

羊腎 艾葉 糯米粥拌焙 木香 肉蔻

菴蓉 一兩 丁香 五錢 棗肉九酒下

懷香子丸 脾勞肌膚瘦瘁黃色焦黃四肢無力脚膝疼

痛大便不調或風勞上攻頭眩目暗肌體沉重昏憤嗜臥
皆宜急服

藁香子 附子 川椒 牛膝 菴蓉

青鹽 巴戟天 二兩 共末羊腎三對煮研蜜丸酒

下

黃芪湯 脾虛勞傷

黃芪 二兩 棗肉 白石英 木通 白石脂 五錢

炙甘草 藥本 一分 水煎

肺勞

論曰肺勞者因形寒飲冷逆秋氣所致其症短氣面腫鼻
不聞香臭胸中結滯氣乏聲嘶咳嗽呀呷咯唾稠黏或吐
膿血或咽喉乾咳不能唾上氣喘滿漸至衰痺寒熱時作
飲食減耗皆肺勞之症

補氣黃芪湯 肺勞飲食減少氣虛無力手足顫掉面浮
喘嗽

- | | | | | |
|----|----|-------------------|-------------------|-------------------|
| 黃芪 | 白朮 | 人參 | 五味 | 麥冬 |
| 熟地 | 茯神 | 陳皮 | 阿膠 | 桂 |
| 牛膝 | 白芍 | 當歸 | 炙甘草 | 用薑棗 |
| | | <small>三分</small> | <small>五錢</small> | <small>一兩</small> |

水煎

鰻鱺煎丸 肺勞咳嗽日久

- | | | |
|---------------------------------|----|----|
| 大鰻 | 桔梗 | 柴胡 |
| <small>三條醋洗斷截酒煮取肉再入酒熬成煎</small> | | |

- | | | | | |
|-----|----|----|-----|----|
| 青蒿子 | 人參 | 附子 | 炙甘草 | 知母 |
|-----|----|----|-----|----|

秦艽 鼈甲 共末入蜜煎丸梧子大酒下日二

白虎湯 肺氣勞傷

- | | | | | |
|----|----|-----|-----|----|
| 龍骨 | 人參 | 白茯苓 | 白石英 | 百合 |
|----|----|-----|-----|----|

- | | | | | |
|----|-----|-------------------|-------------------|-----|
| 磁石 | 桑白皮 | 玄參 | 大豆 | 酒水煎 |
| | | <small>五錢</small> | <small>一合</small> | |

蛤蚧丸 肺勞咳嗽

蛤蚧 一對 天冬 生地 麥冬 一兩 貝母 四兩
 款冬 紫苑 二兩 杏仁 三兩 蜜丸 梧子大薑湯下
 腎勞

論曰腎勞者勞傷腎也腎傷則少精腰背痛難俛仰小便不利時有餘瀝陰痛囊濕生瘡小腹滿急厥逆下冷皆其候也經所謂強力入房久坐濕地傷腎特其一端耳

羊腎湯 腎勞虛損寒熱耳鳴好睡善欠腰脚痿弱
 羊腎 一對 白木 白茯 磁石 黃芪
 乾姜 一兩 桂 三分 水煮腎汁煎五錢

猪肝丸 治冷勞腹痛下利面色萎黃四肢無力

雄猪肝 一具去脂切片入 紫朴 薑汁 乾薑 炒黑
米醋三升煮肝

陳皮 去白 川連 一兩 枯白礬 柴胡 二兩 附子
炒

桂心 五錢 共末將肝爛搗如泥人白麩五匙沸湯煎三五沸和肝末同搗九梧子大空心酒下十九日二

熱勞

論曰熱勞之症心神煩躁面赤頭疼眼澁唇焦身體壯熱煩渴不止口苦舌乾飲食無味肢節痠疼多臥少時出盜汗日漸消瘦是也

龍甲丸 治熱勞羸瘦壯熱盜汗煩渴

龍甲 醋炙 柴胡 秦艽 二兩 生地黄汁

生薄荷汁 如無用 乾熬 生青蒿汁 生薑汁各一鍾慢熬

成膏共末入膏搗丸梧子大空心米飲下二十九日
三服

人參湯 治熱勞心神煩躁肢體痠疼不能食

人參 茯神 赤芍 棗仁 甘草

知母 生地 枳實 括萎根 白薇 一兩

水煎三錢空心溫服日二

蛤蚧丸 治熱勞煩躁面赤口乾唇燥骨節痠疼盜汗咳嗽痰壅力乏氣促

蛤蚧 酥慢炙 人參 黃芪 蜜炙 麥冬 胡黃連

甘草 地骨皮 知母 鹽酒炒 柴胡 懷生地

龍甲 醋炒 紫苑 桑白皮 五錢 細辛

杏仁 去皮尖炒 共末入蜜杵丸小豆大空心米飲下

二十九臨臥再下三十九

青蒿飲 治暴勞熱四肢煩疼手脚心熱咽乾虛渴食少
宜退熱

青蒿 甘草 龍骨 麥冬 知母

柴胡 一兩 桃枝心 一把 柳枝心 一把 童便合

木煎四錢入葱白薤白各三寸空心溫服

地黃煎 治熱勞五心壅熱煩渴不止

生地汁 青蒿汁 生薄荷汁 童子便

白酒 二升入汁 全煎成煎 秦艽 龜甲 醋炙 柴胡 去蘆 二兩

丹砂 飛過 另研 半分 麝香 另研 半分 共末入煎杵丸小豆大丹砂為

衣空心酒下二十九日二

氣勞

論曰氣勞者由喜怒不節憂思過甚榮泣衛除穀氣不治故氣血為之乾涸不能榮養肌肉使形體瘦悴面色萎黃胸脹痞滿飲食減少羸瘦困乏故名氣勞

沉香湯 治氣勞心胸不利日漸消瘦四肢沉倦無力飲食無味骨節疼痛小便赤澀榮衛不和

沉香 川芎 桂心 檳榔 川歸

乾薑 五錢 人參 草豆蔻 枳實 白茯苓

前胡 黃芪 三分 柴胡 訶勒皮 附子

甘草 五味子 一兩 半夏 薑汁炙 二兩

生薑大棗水煎三錢空心溫服日二

天冬丸 治氣勞咳嗽喘嗽下焦虛損上焦煩熱肌瘦

天冬 麥冬 熟地 鼈甲二兩 人參

牛膝 黃芪 山藥 杏仁 白茯苓

五味子 石斛 枸杞 訶勒皮一兩

沉香 紫苑 肉蓯蓉酒洗去甲三分 共末入蜜搗丸

如小豆大空心煎大棗湯下二十九日二

人參陳皮湯 治氣勞心胸煩悶痰涎壅塞不思食頭目昏眩

人參 陳皮 白芍 前胡 柴胡

鼈甲 枇杷葉炙三分 半夏 白茯苓一兩

大腹皮一枚全用 薑棗水煎三錢空心溫服

急勞

論曰急勞之病其症與熱勞相似而得之差暴也緣稟受不足憂思氣結榮衛俱虛心肺壅熱金火相刑臟氣受剋或感外邪故煩躁體熱頰赤心忪頭痛盜汗咳嗽咽乾骨節痠疼久則肌膚消爍咯涎吐血皆其候也故名急勞
青蒿飲 治急勞煩躁壯熱四肢無力痠疼

青蒿 三兩 山梔 甘草 五錢 地骨皮 一兩

桃枝心 柳枝心 各二兩 烏梅水煎三錢空心溫服

猪肝丸 治急勞瘦瘁日晚寒熱驚悸煩渴

雄猪肝 二具去筋 生甘草 十五兩 將肝與末拌勻

膜切片

為末

入童便五升浸一伏時慢煮乾搗九梧子大空心飲

下二三十日三

葱白飲 治急勞潮熱盜汗肌肉消瘦

葱白 薤白 炙甘草 七寸 青蒿心 七枚

杏仁 去皮尖炒 用童便浸一宿煎服

七粒研

皂莢丸 治急勞咳嗽痰涎食少無力

猪牙皂 一兩去皮炙 蝦蟆 一枚要青黃脅畔紋如金色者去腸挂風處陰乾

麝香 另研一錢 各研末和勻入羊腸內扎定碗盛安甌內

蒸極爛研杵極細為丸約有二百餘粒每服熟水空心下二三丸避風取汗良久瀉血汗出去衣被用白粥將息調養合藥用五日或天德日忌見女人雞犬

風勞

論曰風勞者即肝勞之類也蓋肝主風風善行而數變無所不至勞傷之人氣血俱虛風邪易侵或遊行皮膚或沉

聖濟總錄卷之十三
滯臟腑其病令人手足癱痺筋脉拘急頭旋目暗好怒多驚尋覓衣縫臥語狂呼爪甲枯目黯黑是其症也故名風勞

敗龜板湯 治風勞氣虛咳嗽發熱

敗龜板 醋炙 白芍 防風 川歸

海桐皮 酥炙 虎骨 酥炙 木通 五錢 桂心 木香

酸棗仁 黃芪 麻黃 去根節 大腹皮 全用

牛膝 一兩 水煎五錢入青蒿烏梅肉少許空心溫服
一方加熟地柴胡一兩

天麻散 治風勞氣虛不順

天麻 附子 一兩 甘草 烏頭 二兩 麻黃 三兩

蕪荑仁 炒 柴胡 秦艽 前胡 鼈甲

青蒿 四兩 將藥粗搗末用雄猪脊骨一条白酒一斗

全煮乾去骨為末空心酒下三錢日二

茵陳蒿散 治風勞七種冷氣六極等疾脾胃虛寒不思飲食疴利休息利二便秘澁及屢年不差者

茵陳蒿 人參 白朮 石斛三分 白蕪荑

吳茱萸 洗炒一兩 白芍藥 桂心 防風

桔梗 五錢 紫苑 柴胡 去蘆 犀角 三分 共末用猪

肝一具切片去膜分三服每入末五錢葱白食鹽少許拌勻濕紙包煨香熟細嚼酒下

虛勞咳嗽 虛勞痰飲 虛勞寒熱

虛勞潮熱 虛勞盜汗

虛勞咳嗽

論曰虛勞咳嗽者以肺傷胃弱榮衛衰微氣不溫充故也肺主氣為五臟之蓋其脉環循胃口肺臟勞傷則令人咳嗽上氣或吐膿血寒熱潮作面赤口乾偏臥喜汗不能飲

食肌膚消瘦是也

蛤蚧湯 治虛勞咳嗽嘔吐痰涎胸膈不利喘急壅滿呀

叩有聲飲食不進

蛤蚧 一對 人參 白茯苓 桑白皮 一兩

杏仁 去皮尖 甘草 五錢 薑水煎三錢空心溫

服

阿膠丸 治虛勞咳嗽發熱羸瘦

阿膠 懷熟地 山藥 羚羊角 茯神

百合 地骨皮 五味 五錢 麥門冬 人參

牡丹皮 遠志 三分 蛤蚧 一對 栢子仁 炒 共末蜜杵
爲丸如彈子大木煎一九細呷日二
虛勞痰飲

論曰虛勞之人陽氣不足水飲下咽入于胃腑不能流傳
致多痰飲其候胸膈痞悶肩息短氣怠惰臥心下悸動
咳嗽痰木不欲飲食是也治宜調順三焦升降陰陽使氣
道流通痰飲自化
人參半夏湯 治虛勞脾不和痰飲留滯心胸煩悶嘔吐
痰涎頭昏目眩不思飲食

人參 半夏 薑汁炒 赤茯 一兩 大腹皮 二枚
前胡 白芍 陳皮 去白炒 柴胡 鼈甲 醋炙三分
枇杷葉 去毛炙 薑水煎三錢服
虛勞寒熱

論曰虛勞寒熱者以臟腑久虛陰陽交爭榮衛不足以致
陽氣勝則熱陰氣勝則寒陰陽相勝故寒熱互作
秦芫九 治寒熱虛勞四肢無力面色枯悴

秦芫 二兩 黃芪 桂心 白芷 柴胡
鼈甲 肉豆蔻 桔梗 一兩 人參 荆芥穗

麥冬 甘草 川歸 海桐皮 白芍

熟地 枳殼 木香 沉香 棗仁

檳榔 五錢 薑水煎三錢空心溫服

前胡湯 治虛勞榮衛不和寒熱消瘦肢體煩疼頭目昏

眩飲食無味多困少力

前胡 人參 羌活 獨活 枳殼

柴胡 桔梗 炒 鼈甲 一兩 甘草 五兩 石膏

旋復花 兩半 水煎三錢溫服

柴胡湯 治虛勞寒熱羸瘦不下食

柴胡 白茯苓 三兩 人參 麥冬 兩半 白朮

枳殼 二兩 炒 生薑大棗水煎三錢空心溫服日二

虛勞潮熱

論曰虛勞潮熱者潮作有時也此由陰陽不和氣有偏勝

其候頭面燭赤體熱潮躁臥寐不安是也

柳枝湯 治虛勞煩躁少力痰嗽面頰紅赤潮熱盜汗飲

食無味五心煩熱百節疼

柳枝 柴胡 鼈甲 二兩 木香 甘草

青皮 大黃 炒五錢 水煎四錢入青蒿小麥溫服

羚羊角湯 治虛勞潮熱五心煩躁口乾咽喉不利

羚羊角 人參 白茯苓 柴胡 鼈甲醋炙

麥冬 棗仁去殼炒 地骨皮 羌活 懷生地

陳皮去白炒 知母 炙甘草 葛根 黃芪一兩

薑水煎三錢空心溫服日二

柴胡湯 治虛勞榮衛不和潮熱盜汗面黃瘦四肢骨節疼痛多困少力飲食少

柴胡 知母 甘草 鼈甲醋炙一兩 秦芫兩半

大棗水煎三錢空心溫服日二

鼈甲猪肚丸 治虛勞潮熱唇紅頰赤吸呼氣粗口乾盜汗大小便秘澁飲食減少困乏

鼈甲九肋醋炙 柴胡 廣木香 青蒿 懷生地一兩

川連炒二兩 青皮去白炒五錢 共末用雄猪肚一具去脂用

鹽揉洗淨入末藥于肚內扎定蒸極爛入石臼中搗千杵丸梧子大空心飲下二三十丸日二

虛勞盜汗

論曰眠寢之間汗出盜人氣血久則津液枯耗謂之盜汗此蓋虛勞之人陽氣外虛風在肌表腠理虛疎心氣不足

故也不治則榮衛衰損肌肉消瘁變為羸瘠

麻黃根湯 治虛勞盜汗不止四肢困乏無力

麻黃根 牡蠣童便 黃芪各等分 水煎三錢入葱白三寸溫服

寸溫服

黃芪湯 治虛勞盜汗不止及陽虛自汗

黃芪蜜炙 人參一兩 麻黃根二兩 牡蠣童便

地骨皮五錢 大棗水煎三錢空心溫服日二

車前子散 治虛勞盜汗咳嗽潮熱

車前子炒 木賊草炒 兔絲子酒浸

椒目炒 共末用生豬肉精者一兩切片入末二錢

拌勻濕紙包煨熟服

虛勞咳嗽膿血 虛勞嘔吐血 虛勞不得眠

虛勞咳嗽膿血

論曰虛勞之人氣血久耗寒邪借熱伏結上焦內傷心肺
殘賊榮衛心主血血為榮肺主氣氣為衛榮衛不調金火
相剋其病難治則因咳嗽間有膿血者津液腐也宜潤養
上焦滋益榮衛則病緩而可已

萎蕤湯 治虛勞咳嗽咯吐膿血

萎蕤 百部 人參 知母 桑皮 一兩

阿膠 馬兜鈴 麥冬 白茯苓 五錢 水煎三錢

入烏梅肉生薑

蛤蚧湯 治虛勞咳嗽咯吐膿血

蛤蚧 貝母 杏仁 去皮 知母 鹿角膠

人參 枇杷葉 炙 桑白皮 甘草

葛根 一兩 其末水前三錢溫服

白前飲 治虛勞咳嗽上氣壅熱咯吐膿血

白前 一兩 桔梗 桑白皮 一兩 白茯苓

杏仁 兩半 甘草 一兩 水煎服

通神湯 治虛勞咳嗽不止肺氣損傷咯吐膿血痿瘦

白茯苓 枳實 人參 甘草 秦艽

柴胡 一兩 生地 兩半 土馬驥 二兩 水煎三錢溫服

虛勞嘔吐血

論曰血與氣相隨而行外養肌肉內榮臟腑若臟腑勞傷則血液妄行損輕則隨吐而出損極則血下于胃因嘔而出胸膈氣逆甚乃吐血蓋虛勞之人臟氣內傷故也

香膠散 治血勞內傷吐血

阿膠

鹿角膠

枳實

全上用
糯米炒

人參

荷葉

黃藥

去皮
麩炒

蒲黃

生一兩四
珠全末

全研藕汁下一

錢日二

人參散

治肺臟虛勞吐血

人參

去蘆
五錢

黃蜀葵

一兩

共末空心米飲下一錢晚再

下

獨聖散

治虛勞咯血吐血不止

楓香脂

不拘多
少研

用人參糯米飲空心下一錢日二

箬葉散

全上

箬葉

燒灰
一兩

麝香

研一
錢

全研勻用人參阿膠湯下一錢

日二

虛勞不得眠

論曰老人臥而不寐少壯寐而不臥者何也少壯者血氣盛肌肉滑氣道通榮衛之行不失其常故晝日精而夜寐也老人血氣衰肌肉枯榮衛之道澁五臟之氣相搏其營氣衰少而衛氣內伐故晝不能精夜不得寐也虛勞之人氣血衰少榮衛不足肌肉不滑其不得眠之理與老人同半夏湯 虛勞煩躁不得眠

半夏二兩 白朮四兩 糯米炒黃 生薑水煎三錢溫服

日二

陳皮湯 治虛勞晝夜不得眠短氣食不下大病後虛熱痰冷

陳皮一兩 半夏五錢 川芎分半 甘草半分 薑水煎五

錢入竹茹一丸日二

酸棗仁煎 治虛勞心熱憂懼不得眠

酸棗仁二兩 乳香二兩 牛黃另研一分

丹砂五錢 糯米炒二合 白蜜四兩 共末用白酒半觔入

蜜與末慢火煎如稀餈勿令焦收貯空心酒下一匙

日二

酸棗仁丸 治虛勞心煩熱口乾憂懼不得眠

酸棗仁微火炒 地榆葉微炙 共末入蜜杵為丸

如小豆大空心米飲下三十九丸晚再下茶下亦可

虛勞失精

虛勞失精

論曰經云腎者主蟄封藏之本精之處也蓋腎受五臟六腑之精而藏之氣盛則輪瀉有常虛勞之人精臟已虧邪

氣乘之則藏者不固或于夢寐便溺漏失無常其症小腹強急陰頭寒冷目痛髮落脉數而散扎動微緊是其候也

韭菜子散 治虛勞傷損小便失精及夢泄等症

韭菜子一兩 麥冬一兩 川芎三分 兔絲子酒煮一兩

車前子微炒一合 白龍骨煨三分 共末酒下二錢日

二

韭菜子丸 治虛勞漏精

韭菜子炒 兔絲子 天雄 車前子 龍骨一兩

黑乾薑 桑螵蛸炙 鹿茸三分 共末蜜丸梧子大黃

芪湯下二十九

白龍骨散 治元氣虛弱精神不禁腰脊疼痛

白龍骨 肉蓯蓉 補骨脂一兩 兔絲子酒煮五錢

韭菜子炒五錢 共末酒糊丸梧子大空心酒下三十九

正陽丸 治陽氣虛損下元冷極精洩不禁小便頻數腰脚無力飲食減少困乏

白馬莖酥炙 鹿茸二兩 附子 肉蓯蓉一兩

巴戟天 石楠 蒟蘆巴 牛膝 五味子三分

韭菜子 石斛五錢 木香兩半 共末蜜丸梧子大酒

下二十九

金鎖丸 治虛勞失精久服補骨髓去腎邪

巴戟天 白龍骨 山萸肉 一兩

韭菜子 四兩

共木蜜丸梧子大空心酒下三十九

固氣不二丸 治虛勞元氣衰弱精氣滑泄夢中遺洩

乾柿 雞頭舌 雞頭纂 金櫻子 蓮蕊 一兩

共末用烏雞子汁杵丸梧子大空心酒下二十九日

二

韭菜子散 治虛勞夢洩日漸消瘦

韭菜子 炒一合

人參 大棗 黑乾薑

黃芪 赤芍 白龍骨 炒 半夏 薑汁 炒 川歸

甘草 一兩 共末入蜜杵小豆大空心酒下三十九日

二

鹿茸丸 治虛勞腎氣虛乏失精腰脚無力小便數

鹿茸 補骨脂 二兩 附子 牛膝

桑螵蛸 杜仲 炒 鹽酒 山藥 兔絲子 桂心

黃芪 肉蓯蓉 酒煮 懷熟地 遠志 一兩

白龍骨 澤瀉 黑乾薑 防風 牡蠣 童便 滓 三分

共末入蜜杵丸梧子大空心酒下二三十丸日二

虛勞小便白濁 白淫 筋極 氣極

脉極即血極 肉極即肌極 骨極 精極六極詳統論中

虛勞小便白濁

論曰虛勞小便白濁者腎氣勞傷胞絡內冷氣道不宜通也腎主水腎虛則胞冷而津液停滯故令小便白濁如米脂而下

澤瀉散 治大虛損內傷腎氣不足小便濁

澤瀉 白龍骨 車前子 桑螵蛸炙 狗脊一兩

共末酒下一二錢

七聖丸 治虛勞下元虛冷小便濁精滑不禁

原蠶蛾 牛膝 白石脂 白龍骨 桑螵蛸五錢

肉蓯蓉 山藥一分 共末酒煮糊丸梧子大空心酒

下二十九日二

黃芪丸 治虛勞有熱虛煩口乾腰膝痛便濁如米泔

黃芪 茯神 羚羊 牡蠣 甘草兩半

川連 栝樓根二兩 苦參二兩半 雞臙脰黃皮

五枚 共末入蜜杵丸梧子大飲下三十九

人參湯 治腎虛引飲便濁腰痛

人參 五味子 川芎 川歸 遠志

澤瀉 桑螵蛸 桂心 熟地一兩 白芍

片苓 白茯 雞臙脰黃皮錢 麥冬二兩

水煮羊腎一對取汁入薑棗煎藥五錢溫服日二

白淫

論曰內經謂思想無窮所願不得意淫于外入房太甚宗筋弛縱發為筋痿及為白淫夫腎藏精以堅為事志意內治則精全而畜出思想外淫房室太甚則固者搖矣故使

淫洩不守隨洩而下也然本于筋痿者宗筋弛縱故也

金鎖丸 治下元虛冷小便白淫夢遺

原蠶蛾 韭菜子 補骨脂二兩 白龍骨

牛膝 桑螵蛸 山茱萸 兔絲子 肉蓯蓉一兩

共末入蜜丸梧子大酒下三十九

秘真丸 治精氣不固白淫不止

白龍骨 砂仁五錢 訶勒皮五枚 丹砂飛一兩 共末

用糯米粥丸梧子大丹砂為衣空心熱酒下二三九

不可多服 若大便不通欲通用葱白湯點茶服之

卽通

龍骨湯 治白淫遺泄無故自出

龍骨 五兩 人參 白茯苓 甘草 熟地

桂心 牡蠣 二兩 水煎五錢空心溫服日二

石斛散 治陽氣虛憊白淫不止

金釵石斛 三兩 巴戟天 兔絲子 二兩

杜仲 鹽酒炒 桑螵蛸 炙兩半 共末空心酒下一錢日二

筋極

川參湯 治筋實極脚下腫滿面痛不能遠行脚心如割

筋斷折痛不可忍

丹參 木通 生地 麥冬 麻黃 去根節

川芎 杜仲 牛膝 續斷 地骨皮

禹餘糧 醋滓七次 桂心 川歸 一兩 牡蠣 童便滓

甘草 五錢 薑水煎五錢溫服日二

地黃煎丸 治足厥陰經有餘筋實極足下滿痛四肢筋

急

生地汁 六升 天冬汁 三升 生薑汁

白蜜 鹿髓 黃牛酥 棗肉 取膏各三合

醇酒 升半 茯神 分半 枳殼 川芎 二分 金釵石斛

黃芪 兩 甘草 炙一分 上六味共末先將煎三汁與酒

并煎減半入蜜髓酥膏全熬如稠糖再下六末重湯
不住手攪勻丸梧子大空心酒下三十九

氣極

甘露丸 治肺臟氣極風熱所傷津液不通

甘草 炙 懷生地 天冬 大黃 蒸一兩 遠志

桑白皮 炙 防風 地骨皮 羌活 秦艽 三分

羚羊 胡黃連 五錢 共末入蜜杵丸梧子大空心

薑湯下二十九日二

脉極

鎮心丸 治脉極驚悸

丹砂 鐵粉 人參 遠志 五錢 茯神 一兩

虎睛 一對 琥珀 研 牛黃 冰片 一分 金箔

銀箔 廿張 共末入棗肉杵丸梧子大丹砂為衣金銀

湯空心下十九服之安五臟

桑皮沐頭湯 治脉極虛寒鬚髮墮落

桑白皮 二升 用井華水漬一宿煮湯沐鬚髮極佳

柏葉沐頭丸 治脉極虛寒髮墮落

生柏葉 一兩 附子 五錢 猪膏 五錢 共末入猪膏

丸作二十九每用一丸入沐湯中洗頭令髮長不落

肉極

防風湯 治肉極肌肉變色舌強陰縮脚膝疼弱

防風 獨活 白茯苓 兩半 人參 川芎

五加皮 乾薑 桂心 甘草 川歸 一兩

附子 五錢 共末酒煎四錢空心服

石南散 治肉極實熱身上如鼠走風痺唇口皴皮膚變

色

石南 一兩 山藥 二兩 山黃 升麻 芫蕪 兩半

石羔 黃芪 三兩 眞珠 天雄 槀化

甘菊 甘草 五錢 共末酒下二錢

骨極

酒浸芍藥散 治骨極骨髓中痠痛

白芍 生地 鹿骨 二兩 酒一斗浸晒爲末酒

下三錢日二

木瓜湯 治骨極腰脊痠痛風虛氣衰不能久立腦髓痠

疼服之補虛損壯元陽

木瓜

五枚去皮子切片用礬砂十兩取霜拌蒸收貯每用三兩入後藥

雄雀

四十隻去頭足入醋

煮爛取肉入乾薑川椒末各二兩全瓜用酒三升慢熬膏

附子

兔絲子 三兩

木香

沉香

天雄

去皮臍製

羌活

兩半

補骨脂

炒一兩

白蒺藜

石斛

天麻

酒煮

肉苁蓉

酒浸洗

大茴 炒三分

共末入膏九梧子大鹽湯下三十九

精極

地黃飲 治精極臟腑俱損偏身虛熱骨節煩疼

生地汁

麥冬汁

白蜜 二合

竹瀝 一合

炙甘草 兩半

片苓

石羔

二兩半

麻黃

去根節一兩

人參

川芎

兩半

桂心

川當歸

一兩

水煎五錢去滓入

汁蜜竹瀝分二服

地黃煎

治精極臟腑虛羸骨節煩疼精泄不止益氣養

神駐顏色調血脉

生地汁

五斤

白酒

一斗全汁熬成膏

巴戟天

鹿茸

桑螵蛸

炙

肉豆蔻

附子

黃芪

蜜炙一兩

蛇牀子

石斛

補骨脂

炒

青木香

陳皮

牛膝

五味子

三分

沉香

枳殼

去白炒

葷沉茄 五錢

肉蓯蓉 二兩

共末入地黃膏爲

丸如梧桐子大酒下三十九

聖濟總錄纂要卷十三終

聖濟總錄纂要

卷之十四

程 林雲來 纂

查士標二瞻

較

新安

吳嘉枚个臣

子其武與繩訂

骨蒸傳尸門

虛勞五蒸 骨蒸肺痿 傳尸骨蒸 傳尸勞

虛勞五蒸

論曰虛勞骨蒸者本熱勞之氣熱著氣血深連骨髓侵受

五臟久而不已各隨其臟氣之虛熏蒸而為疾 骨蒸本于腎其證早涼晚熱煩躁寢不安飲食無味小便色赤喘息無力腰疼脚冷手心常熱蒸盛之時內變為疔蝕人五臟 脉蒸者本於心其證日增煩悶擲手出足渴欲飲水唾白沫睡語驚恐脉數蒸盛之時亦變為疔瘡下悶或暴下不止 皮蒸者本於肺其證大喘鼻乾口燥舌上白胎小便如血蒸盛之時胸滿兩脅下脹背脚疼臥不安咳嗽毒傷臟則唾血 肉蒸者本於脾其證體熱如火煩躁無汗心腹膨脹食即欲嘔小便如血大便秘澁蒸盛之時身

腫日赤臥不安 肝蒸者肝氣虛也肝虛則血無所藏血無所藏肝亦無所養使榮氣痼竭虛陽內蓄其證外寒內熱亦名內蒸按之附骨即內熱甚骨肉自消飲食無味皮燥不澤蒸盛之時目暗妄怒時驚四肢漸細足趺腫起凡此五蒸與熱勞之病大同小異其治法有不同者蓋蒸病內著骨髓蒸發皮膚也昔人論蒸有二十三證細而推之臟腑之病變態多端皆在於虛不必拘之 豬肚黃芪九方 治骨蒸虛勞傳尸肺痿欬嗽不止困重羸瘦飲食無味頭痛口乾涕唾稠黏渴不止者

積猪肚 一兵以童子小便煮令熟細切焙乾搗為末 知母 剉焙 蕪荑仁 炒各二兩

紫苑 去苗 大黃 炒 檳榔 煨 蒼朮 米泔浸焙 鼈甲 去裙襴醋炙

百部 地骨皮 黃芩 去黑心 桔梗 貝母

芫胡 白茯苓 黃連 龍膽 人參

黃芪 各一兩 右十九味搗羅為末鍊蜜丸梧子大每服

空腹溫酒下二十九

地骨皮湯方 治五蒸

地骨皮 白茯苓 麥門冬 芫胡 各一兩半 赤芍藥

甘草 炙令赤各一兩 右六味搗篩每服五錢水煎食後分溫

二服

茯苓湯方 治心蒸苦心驚悚男子因讀書損心氣傷思慮損心吐血心煩多忘失精神或身體瘙痒風癩或胸中氣滿

白茯苓 麥門冬 欵冬花 獨活 檳榔 各六兩

桂 防風 防已 各五兩 甘草 炙 枳殼 四兩

地骨皮 去土十兩 右十一味剉如麻豆大每服五錢以水

二盞先煎山澤銀取水一盞半入藥并生薑半分切

大棗三枚擘破同煎溫服早晨日晚各一

麥門冬飲方 治心蒸心中煩躁手足熱疼欲露其體驚悸怵惕咽乾虛渴面色萎黃失前忘後婦人血氣衰弱多傳此疾

麥門冬 二兩 白茯苓 人參 龍齒

遠志 各三兩 甘草 炙一兩 防風 地骨皮 各三兩

羚羊角 一兩 共九味剉如麻豆大每用五錢以水二

盞入山澤銀一分棗二枚同煎取一盞分溫二服若大患煩熱渴燥者入淡竹瀝一合煎服若曾經吐血亦治餘如上法一劑無不差

鼈甲湯方 治男子女人骨蒸熱勞皮肉消瘦面萎黃不思飲食夜多咳嗽涕唾稠黏骨節疼痛憎寒壯熱心腹氣脹坐臥不安發如瘧狀女人血風勞等疾

鼈甲 去裙襴醋炙 秦苑 二兩 紫苑 一兩 苈胡 三兩

訶梨勒皮 煨一兩 牡蠣 麻黃 去根 犀角

知母 升麻 甘草 炙 梔子仁 檳榔 剉

木香 當歸 桔梗 大黃 炒 桑根白皮 剉

黃連 桃仁 炒 人參 桂 菱麩

芎藭 各一兩 右二十四味搗篩每服三錢棗一枚烏梅

聖濟總錄卷之十四 骨蒸傳尸

一箇生薑三片同煎熱服

鼈甲湯方 治虛勞骨蒸肌瘦盜汗潮熱咳嗽或即吐血
肢體倦怠飲食不下及室女勞熱經血不行時發潮熱煩
燥虛渴

鼈甲

九肋大者一枚浸一宿去裙襖
脊骨更蘸醋炙令赤用二兩半

人參

芫胡

各二兩

白茯苓

地骨皮

枳殼

生乾地黄

牡丹

百部

芍藥

牛膝

貝母

黃芩

栝蒌根

當歸

山梔仁

桔梗

陳橘皮

麥門冬

天門冬

紫苑

白朮

桂

去籠皮

桑白皮

檳榔

各三分

大黃

甘草

炙各半兩

京三稜

一兩五錢

草豆蔻

五枚去皮

天靈蓋

酥炙黃一

兩

共三十味搗為籠末每服五錢生薑半分棗三枚

同煎稍熱服空心臨臥服

按方中勞證用天靈蓋甚多此物人所不忍其意為

傳尸殺虫也今擇其方可用者亦備一二餘俱不取

鼈甲豬肚丸方

治骨蒸唇紅頰赤氣粗口乾徧身腫熱

或多虛汗大腸秘澀小便赤黃飲食全少

鼈甲

去裙襖醋炙

柴胡

木香

青蒿

生乾地黄

各一兩

黃連

二兩

青橘皮

去白半兩

共七味

搗羅爲末用猪肚一枚去脂膜淨洗入藥末在內繫定蒸令爛熟入白杵千百下爲丸如菘豆大每服十五丸溫水下食前日午臨臥各一服

紫雪方 治骨蒸癘疾瘟疫寒熱瘧病五尸五注心腹絞

刺蠱毒魅鬼一切熱毒脚氣悶亂攻衝煩熱口中生瘡狂

陽叫走及解諸毒兼金石草藥熱毒發黃瘧熱疼痛一切

熱病方 與和劑局方略不同 原方黃金壹百兩

金 十五兩 銀 十五兩 寒水石 石膏 磁石

滑石 各三斤 右四石藥同搗碎後以金銀共六味一處

以水一石煮取一斗去金銀并石滓入後藥味

木香 一兩 犀角 五兩 丁香 四兩 沉香 五兩 甘草 炙

升麻 玄參 各一斤 右七味除前六味外用水三

斗煮取一斗絞去滓淨與前藥汁相和即內芒消五

升細研入藥汁慢火同煎手不住攪之可有一斗餘

即投入盆器內盛欲凝內水飛丹砂末三兩麝香末

一兩一分同砂如粉麪和勻蓋覆之二日成霜雪矣

暴乾以新盒或餅內密封盛貯之有病即取強人服

一錢冷水和服以意隨人強弱增損之脚氣病或增

聖濟總錄卷之十四
服石藥發動毒悶者服之水和半錢如神凡服訖即
仰臥以物指腰令高使藥向胸府間若患眼赤及熱
痛者以冷水和之點眼大小背初著微痛少時淚出
自定日三五次用夜亦如之即無不效口內生熱瘡
合如杏核許令消痛止
按局方有硝石即火硝也藥品有追覓之妙漢於生理者
之知

骨蒸肺痿

論曰骨蒸肺痿者由榮衛虛損蘊熱熏蒸上焦傳播胸膜
使人肺熱葉焦發為肺痿其證咯唾膿血胸滿短氣欬嗽

咽痛寒熱往來不能飲食是也

秦芫扶羸湯 治肺痿骨蒸已成勞嗽或寒或熱聲啞不出體虛自汗四肢怠惰

軟柴胡^{二錢} 人參 鱉甲^{醋炙} 秦芫 當歸

紫苑 半夏^{各一錢} 地骨皮^{半錢} 甘草^{五分}

右用水二鐘姜三片烏梅大棗各一枚煎七分食後服如熱甚者加青蒿汗多者加黃芪去半夏生薑二味

人參養榮湯 治肺痿咳嗽有痰午後熱并聲嘶者

人參去蘆 阿膠蛤粉炒 貝母 杏仁 桔梗 茯苓

桑皮 枳實 甘艸已上各一錢 柴胡二錢 五味子十二

右水二鍾生姜三片束二枚煎至一鍾食遠服

保和湯 治骨蒸久嗽肺熱成痿

知母 貝母 天門冬去心 麥門冬去心 款冬花

錢各一 天花粉 薏苡仁炒 杏仁去皮尖炒各五分

五味子十二粒 馬兜鈴 紫苑 桔梗 百合

阿膠蛤粉炒 當歸 百部各六分 粉艸炙 紫蘇

薄荷各四分

右水二鍾姜三片煎七分入飴糖一匙食後服吐血

或痰帶血加炒蒲黃生地黃小蘗痰多加橘紅茯苓

萎仁喘去紫蘇薄荷加蘇子桑皮陳皮

知母茯苓湯 治肺痿喘嗽往來寒熱自汗

知母 白朮各八分 茯苓去皮 五味子 人參

阿膠各五分 款冬花 桔梗 麥門冬 黃芩各七分

半夏湯泡七次 柴胡 甘艸各一錢 薄荷 川芎各五分

右水二鍾姜五片煎至一鍾食後服

傳尸骨蒸

論曰傳尸骨蒸有十二種二十二種三十六種或九十九種之異其病皆起於骨蒸內熱或五臟次第相傳而成皆令人寒熱盜汗夢與鬼交遺精白濁髮乾而聳或腹內有塊或腦後有小結復連數箇或聚或散沉之默之咳嗽痰涎或咯膿血如肺痿肺癰狀或下利羸瘦自汗盜汗目昏耳鳴飲食無味口内生瘡心煩腰痛五心煩熱朝輕夕重累年積月以至於死死復傳注親屬乃至戚門者是也

五癘麝香散 治男子婦人傳尸骨蒸實熱

天靈蓋 麝香 甘草 東引桃枝 東引柳枝

石榴皮 各一握

青蒿 犀角 半兩 阿魏

柴胡 各一兩 葱白 薤白 各七莖 右十一味除麝香外

剉碎同用童子小便二升半浸一宿別入檳榔末三錢同煎至一升半去滓分溫三服男病女煎女病男煎勿令孕婦六畜見初服訖如人行五里又進一服恐惡心可含白梅病在上即吐在下即瀉出各惡物如蟲類及頭髮馬尾狀兼身如蟻行瀉後以葱粥及軟飲補之仍服後方茯苓湯調和五臟避風一月若遠年重病不過兩劑其吐下蟲腹紅色可治黑者或

差或否白色者不可治也

扶神湯方 治傳尸骨蒸先服麝香散取蟲後服此方補五臟

扶神 人參 遠志 甘草炙 陳橘皮

當歸 龍齒 熟乾地黄各一兩 五味子

麥門冬 杜 各一兩半 黃芪 二兩 右十二味每服五錢

入棗七枚生薑五片同煎空心溫服日三

珍珠丸方 治傳尸骨蒸咳嗽上氣痰喘寒熱四肢瘦弱

珍珠末 獺肝 茯神 貝母 芫胡

龍膽 黃連 芍藥各一兩半 白檳榔煨 旋復花各一兩

右十味搗羅為末鍊蜜和丸如梧桐子大每服十五丸食後溫水下日再

黑虎丸方 治傳尸骨蒸勞

乾蝦蟆 一枚去頭足分為兩段 蛤蚧 一對各取一半并去頭泥塗酥炙黃

盧會 研 天靈蓋酥炙 雄黃 研 白狗糞炒黃

麝香 研各一兩 烏驢蹄炙乾 乳香一兩 猪膽一枚取汁于

和藥 右十味搗研九味為末合勻細以猪膽膏同粟

米飯為丸如梧桐子大先吃熱麪一碗次以茅根香

水沐浴次以沙糖麝香少許調冷水一盞投藥一丸
 於星月下浸一宿平旦空腹服之厚被蓋臥應是專
 尸冷勞者脊骨中出白蟲或出赤蟲若骨蒸則汗出
 腰脚疼痛不遂脚下出汗如膠漆諸風氣水病並宜
 一粒若小兒無辜可服半粒如前法有蟲出鼻內如
 線狀是效

烏雞丸方 治傳尸勞尸注骨蒸眼目昏澁而色青黑咽
 喉噎塞痰涕咳嗽或疰癖攻刺疼痛胸膈滿悶時或恚怒
 或多感傷情思不樂夢寐虛驚枯藏滑泄失血憎寒潮熱

盜汗肩背拘急腰脊肢節煩疼四肢少力不喜飲食小便
 黃色大便不通乍進乍退服取蟲藥後宜服此

黃連

附子

去皮臍各二兩

芫胡

白附子

當歸

秦艽

槐膠

甘草

炙

菴蓉

酒浸切焙

續斷

遠志

巴戟天

各一兩

乳香

陳橘皮

雄黃

研

丹砂

研各半兩

丁香

乾薑

炮各一分

右十八味擣研極細先養雄烏雞一隻以雄黃三兩
 為末分作三十分每日拌飯餵月日用大麻子一升
 餵盡宰治去毛及嘴爪并腸肚留心肝將前藥末入

在雞腹內以麻線纏定再用無灰酒一斗銀器石鍋
內用文武火煮令雞熟取出除去粗骨將雞并腸內
藥同細研更將雞骨焙乾搗羅為末同研藥和入白
中杵千百下丸如梧桐子大每服二十九以煖酒吞
下空心日午臨臥各一服

傳尸勞

論曰傳尸勞者骨蒸之病流傳五臟也其證殮殍半臥半
起且即醒然午後微熱情常不悅心多驚悸夜即盜汗夢
與鬼交兩頰紅赤唇如血色睡不得臥飲食不能食或喘

急咳嗽心胸滿悶背膊煩疼兩目精明四肢無力脊脊拘
急膝脛痠疼兩肋虛脹時或微利鼻乾口燥漸至疔羸雖
死在須臾精神尚爽是其候也治之若緩猶如水涸不覺
其死

蘇合香丸方 治肺痿客忤鬼氣傳尸伏連殮殍及卒得
心痛霍亂吐利時氣諸瘧瘵血月閉痞癖水腫驚邪氣狐
魅瘴癘諸疾

- 蘇合香 白朮 沉香 訶梨勒肉
- 丁香 木香 莎草根 白檀香 乳香

草撥

犀角鎊

安息香

各一兩

麝香

研

龍腦

研各半兩

右十五味搗研為末鍊蜜和丸如雞頭實大每服一丸溫酒或人參湯嚼下一名白朮丸此藥大能安氣血卻外邪凡疾自內作不曉其名者服此往往得效雖治氣注氣厥氣逆氣不和吐利榮衛阻塞尤有神功人家不可無此藥以備急難辟疫尤驗倉卒求人參不得白湯亦可勿用酒古方雖云用酒酒下口多不效昔有人病瘵日漸羸消至于骨立肌熱盜汗勞狀皆具凡服八九兩所苦都差一方用牛黃半兩古

方本無乃後人加之

諸疝門

寒疝

心痛

厥疝

寒疝心腹痛

七疝

蠱病

寒疝

論曰寒疝為病陰冷內積衛氣不行結於腹內故遇寒則發其狀惡寒不欲食手足逆冷繞臍痛白汗出

蓬莪茂湯方

治寒疝四肢逆冷氣弱汗出

蓬莪茂

一兩

乾薑

半兩

附子

去皮臍一兩

芎藭

三分

桂

一兩

白朮

三分

檳榔

兩

芍藥

兩

共八味剉如麻豆每服三錢水煎溫服不拘時

人參湯 治寒疝冷痛氣弱汗自出不欲食

人參

白茯苓

各一兩

蜀椒

去目炒

乾薑

各半兩

附子

去皮臍

檳榔

青橘皮

湯浸去白

白朮

各一兩

右八味剉如麻豆每服三錢水煎溫服不拘時

烏頭湯 治寒疝滿逆手足不溫偏身疼痛

烏頭

大者五枚去皮尖生用

白蜜

一斤

桂心

二兩

三味先以慢煎蜜及烏頭候蜜減半去烏頭別就一

處以水三盞煮桂候減半濾去桂將桂汁共和別煎

取二盞許服時每用半盞溫服未知再服其知如醉

狀得吐為中病也

高良薑湯 治寒疝卒痛積聚不散上衝心胸與陰相引

痛則汗出

高良薑

檳榔

木香

當歸

各一兩半

吳茱萸

炒一兩

右五味擣篩每服三錢水煎溫服

心痛

論曰內經謂診得心脉而急病名心痛小腹當有形也心

聖濟總錄卷之十四
為牡臟小腸為之使故曰小腹當有形也臟病必傳于腑
今心不受邪病傳于腑故小腸受之為疝而痛小腹當有
形也世之醫者以疝為寒溼之疾不知心氣之厥亦能為
心疝心疝者當兼心氣以治之

當歸湯 治心疝心痛虛冷煩悶

當歸 乾薑 赤芍藥 黃芪 蜀椒去目 人參

半夏為末薑汁作餅子焙乾 附子去皮 青橘皮去白 甘草炙

一兩 厚朴薑汁炙 桂心半兩 右十二味咬咀如麻豆

每服三錢水煎溫服不拘時候

牡丹丸 治心疝心痛如錐所刺

牡丹皮 桂心 芍藥 烏頭去皮 細辛

甘草炙 木香 吳茱萸湯浸焙乾 檳榔各一兩

右九味搗羅為末鍊蜜為丸梧桐子大每服二十九

溫酒下不拘時

蓬莪茂煑散 治心疝心痛肢體虛冷

蓬莪茂 檳榔 附子 甘草炙 桂心各一兩

胡椒半兩 芫薺 白朮各三分 八味搗羅為散每服二

錢水煎溫服

橘皮益智湯 治痼冷在內陰氣交攻心痛如刺

青橘皮去白 益智皮去皮 烏頭去皮 威靈儂各一兩 去土

右四味剉如麻豆每服三錢生薑三片鹽少許同煎
溫服食前日二

厥疝

論曰內經謂黃脉之至也大而虛有積氣在腹中有厥氣
名曰厥疝女子同法得之疾使四肢汗出當風夫疝藏疾
隱而難見陰沈而伏也今脾虛風寒客于腹膜之間不能
與胃通行水穀之氣結而成積使氣道厥逆而痛故謂之

厥疝也

山茱萸丸 治厥疝上搶心腹冷痛

山萸 吳萸炒 食萸 棟實炒 馬蘭花 藿香子

青橘皮 橘紅焙 京三稜各三分 乾薑各三分 附子一枚

重半兩者 去皮臍 右十一味擣羅為末醋煮麩糊和丸如梧

桐子大每服二十九酒或鹽湯下空心服

木香湯 治厥疝逆上攻腹冷痛

木香 檳榔 烏頭 細辛 當歸 吳萸炒 枳殼

炒 甘草炙各一兩 共八味咬咀如麻豆大每服三錢水

煎温服

寒痛心腹痛

論曰疝者痛也本緣寒氣內積陽衰陰盛不得散釋寒邪因得攻擊或上搶心或腹內疼刺發即俱痛故名寒痛心腹痛也

人參湯 治寒痛心腹痛胸脇支滿不下食汗出嘔逆

人參 白茯苓 檳榔 木香 芍藥 芫薺 當歸

桂心 青橘皮 去白各一兩

共九味每服三錢水煎温服不拘時

蜀椒湯 治寒痛心腹痛不可忍

蜀椒 去目炒二百粒 附子 一枚去皮臍 粳米 半盞 乾薑 兩半

半夏 湯洗七遍去滑切拾十二枚 甘草 炙一兩 共六味咬咀如麻

豆每服五錢入生薑半分棗二枚同煎温服

地黄湯 治寒痛心腹痛汗出厥冷

生乾地黄 三兩 甘草 炙 白茯苓 人參 當歸 各二兩

羊肉 去脂切三斤 右六味前五味細剉將羊肉用水二斗

煮取汁一斗去羊肉入諸藥煮取七升入葱白一把

棗十四枚再煎取六升絞去滓温服一盞不拘時

當歸湯 治寒痛心腹疼裏急

當歸三兩 生薑五兩 羊肉去脂膜切 作片一斤 三味以水一斗

煮取五升去滓每服一盞不拘時日三夜一

七疝

論曰疝病有七厥逆心痛足寒飲食即吐者名厥疝腹中氣滿心下盡痛氣積如臂者名堅疝寒飲則腹中脅下盡痛者名寒疝腹中乍滿乍減而痛者名氣疝腹中痛在臍傍者名盤疝腹中痛在臍下有積聚者名附疝小腹與陰相引而痛大便難者名狼疝凡此七疝皆寒氣內積血氣

凝澁不得通利冷劇則痛故皆謂之疝難經曰任之為病其內苦結男子為七疝女人為瘕聚蓋以此也

桃仁湯 治諸疝

桃仁去皮尖 雙仁 吳茱萸炒 陳橘皮去白 海藻洗去鹽

白茯苓 羌活 蒺藜子炒去角 各三兩

共七味每服三錢生薑一棗大同煎溫服

厚朴丸 治七疝肢體寒臍腹堅痛滿悶

厚朴薑汁炙 附子去皮臍 麝香子炒 白朮 桂心

乾薑 枳殼 青橘皮 芎藭 烏頭去皮臍 木香

當歸各一兩 右十二味搗羅為末鍊蜜丸如梧桐子大每服二十九溫酒下薑湯亦可

蠱病

論曰經謂脾風傳之腎病名疝瘕小腹宛熱而痛出白一名蠱夫脾受風邪傳于腎經邪熱內爍故其證小腹宛熱而痛其精失守故其證洩出白液病名曰蠱以邪熱內爍其精不守久而弗治適以喪志也水之精為志志喪則精從之左傳謂惑以喪志為蠱者如此
大建中湯 治蠱病小腹急痛便溺失精

黃芪 遠志 當歸 澤瀉各三兩 芍藥 人參

龍骨 甘草炙各二兩 八味剉如麻豆每服五錢生薑三

片棗二枚水煎溫服

澤瀉丸 治蠱病小腹宛熱而痛精氣不守洩便白出

澤瀉 補骨脂炒 巴戟天 五味子 石斛

芍藥 人參 甘草炙各一兩 共八味為末鍊蜜丸如梧

桐子大每服三十九溫酒或鹽湯下空心日午臨卧

各一服

乾地黃丸 治蠱病精氣不守便溺出白小腹宛熱而痛

熟乾地黃二兩

鍾乳粉半兩

龍骨

菟絲子

酒浸一宿別搗

磁石火煨醋淬七遍

芍藥

黃芩各一兩

右七味搗羅為末

酒煮麩糊丸如梧桐子大每服二十九酒或鹽湯下

陰疝門

陰疝

陰疝腫縮

陰疝卒腫痛

控睪

陰疝統論

論曰疝者痛也邪氣聚于陰令陰器腫大而痛者陰疝也一名癰疝其類有四即腸癰卵脹氣癰水癰是也世俗云疝氣亦云小腸氣或曰膀胱氣原其病本緣腎氣通於陰

與膀胱為表裏胞囊者膀胱之候此二經不足下焦受寒皆能致陰卵腫大或發疝痛故通稱為陰疝若寒溼之氣有連於小腸者即小腸控睪而痛陰丸上下謂之腸癰寒氣客於經筋足厥陰脉受邪脉脹不通邪結於陰卵謂之卵脹腎虛之人因飲食不節喜怒不時津液內溢下流于腎寒氣結聚不散謂之氣癰水氣盛則津液內結謂之水癰水癰氣癰病生於標故鍼灸可治其疾易愈腸癰卵脹病生於本邪氣入深其治難差

陰疝

論曰黃帝鍼經曰足厥陰之脉環陰器抵小腹是動則病丈夫癩疝即陰疝也嗜慾勞傷腎水涸竭無以滋榮肝氣故雷滯內結發為陰疝陰疝之病世俗論陰疝者為腎餘氣殊不知邪實又本於肝經云治法當瀉邪氣之實補肝經之虛

蒺藜子湯 治陰疝

蒺藜子

炒去角

附子

去皮臍

山梔子仁

各一兩

右三味咬咀如麻豆每服五錢水煎溫服食前服

昆布丸 治陰疝腫大偏墜

昆布

洗去鹹

海藻

洗去鹹

蒺藜子

炒去角

蕪荑仁

炒

檳榔

各一兩半

枳殼

去瓢麩炒

大麻仁

研各二兩

木香

黃芪

剉

訶藜勒

去核各三分

陳橘皮

去白炒

桃仁

去皮尖雙

仁

兔絲子

酒浸一宿別搗各一兩

共十三味搗研為末和勻

鍊蜜丸如梧桐子大每服三十九空心食前溫酒或

鹽湯下

沙參丸 治疝氣

沙參

二兩

昆布

洗去鹹

懷香子

炒各半兩

三味為末酒煮

麩糊丸如梧桐子大每服二十九空心食前溫酒下

二氣丸 治陰疝上而不下臍腹疼痛

石硫黃研 黑鉛各一兩 二味先以鉛於銚內鎔成汁

次下硫黃煙焰透移下候冷取出研為細末糊和丸如梧桐子大每服三十丸酒下

葫蘆巴煮散 治陰疝攻痛

葫蘆巴 沉香 馬蘭花 蓬莪茂煨 懷香子炒各一兩

半 練實取肉麩炒 木香 薑黃 檳榔剉 桂心各一

附子去皮臍三分 甘草炙半兩 共十味擣羅為散每

服三錢水酒同煎空心食前溫服

葫蘆巴丸 治陰疝氣攻疼痛

葫蘆巴 補骨脂炒 白豆蔻去皮 革薺 青橘皮

藜香子 附子去皮臍 肉蓯蓉酒浸 兔絲子 牛膝酒浸

桂心 防風各一兩 右十二味為細末酒煮麩糊丸如

菜豆大每服二十九空心生薑鹽湯下

應病丸 治陰疝撮痛不可忍

韭子炒 芎藭 二味等分為末鍊蜜丸如梧桐子大

每服三十丸空心溫酒下

陰疝腫縮

論曰陰疝腫縮者寒邪客于厥陰之經而陽氣不能自溫故令諸筋拘急陰器緊縮而疼痛也肝者筋之合也筋者聚于陰器而絡于舌本脉不營即筋縮急筋縮拘則引卵與舌故舌卷卵縮也皆厥陰為病也

翅灰散 治陰疝腫縮

雞翅 右左都用不拘多少燒灰

一味細研為散每二錢溫酒調下不拘時

雄黃洗 治陰疝腫縮

雄黃 研

甘草 各一兩

礬石 研二兩

三味搗研為末每

用藥一兩熱湯五升通手洗腫處良久再煖洗

車前子塗 治陰疝腫縮

車前子 不拘多少 一味搗羅為末湯調塗腫處

蔓菁子散塗 治陰疝腫縮

蔓菁子 不拘多少 一味搗羅為散溫水調塗腫處或絹帛

傅之以差為度

陰疝卒腫痛

論曰陰卒腫痛者腎氣虛弱暴受邪氣傳入陰中令熱相薄故卒然而痛也痛甚則邪勝邪勝則熱勝熱勝則腫皆

卒然而作也

雞翎散 治陰卒腫痛

雞翎一大莖 蛇牀子一兩 二味搗羅為散每服一錢

溫酒調下如左邊腫即取雞右翎右邊取左邊翎

木香散 治陰卒腫痛攻注腹脹悶

木香半兩 赤茯苓一兩 牡丹皮三分 防風半兩 檳榔一兩

澤瀉三分 郁李仁一兩湯浸去皮炒 七味搗羅為散溫酒調下

雄黃淋洗 治陰腫前方同

雄黃 白礬 甘草炙各一兩 三味為散每用藥一兩以

水一斗煎取三升通手淋洗至冷候汗出差

黑豆熨 治坐久卑溼忽陰囊虛腫氣上築

右方以米醋炒黑豆青布袋盛熨心腹更以椒葱湯

淋熨腰膀厚衣蓋下部然後服諸藥

治陰腫偏著一邊連小腸痛不可忍

右方以蘘香苗葉取汁一斗服之日三四服其滓貼

腫處

控舉

論曰甲乙經曰小腹控舉引腰脊上衝心肺邪在小腸也

又曰小腸病者小腹痛腰脊控舉丸而痛夫小腸者連心
系屬于脊貫肝肺絡心系其經虛不足則風冷乘間而入
邪氣既盛則有厥逆之證其氣上衝肝肺客冷散於胸結
于臍控引舉丸上而不下痛引小腹甚則衝於心胸蓋其
經絡之所系屬然也

懷香子散 治小腸受邪控舉痛引小腹

懷香子炒 草澄茄 棟實一方用巴豆同炒去豆不用 木香各一兩
葫蘆巴 青橘皮去白各一兩 檳榔半兩
共七味為散每服一錢溫酒調下空心食前日二

吳茱萸散 治小腸疝氣牽引臍腹疼痛腰曲不伸

吳茱萸湯洗炒 棟實四十枚 巴豆半兩推令微破三味同炒候入棟實黃焦
沉香半兩 木香 馬蘭花
色去巴豆茱萸不用棟實去核用
懷香子炒各一分 右七味除巴豆茱萸不用外搗羅為散
每服二錢炒葱酒調下空心夜卧發時服

木香丸 治小腸受寒氣控舉牽痛

木香一兩 石南 肉蓯蓉酒浸切焙別為末 牛膝酒浸切焙別為末
菖蒲 懷香子炒 棟實炒各二兩
共六味除蓯蓉牛膝二味別作末外搗羅為末以酒

控舉

一升熬蕤蓉牛膝成膏和丸如梧桐子大每服三十丸空心食前以紙裹葱白一寸煨熟細嚼溫酒下

聖濟總錄纂要卷十四終

